

Powšitkowne WOZJEWJENJA

njedźelu, 14. nowembra 2021

Wusyłanje Božej mše

Serbskorěčnu Božu mšu móža wěriwi tutu njedźelu, 14. nowembra, znova jako live-stream w interneće scěhować. Wona přenjese so w 9 hodź. z Chróšćanskeje cyrkweje. Link na nju je pod www.posol.de a na wosadnej stronje podaty.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 7. decembra, w 14 hodź. do Smochčanskeho kubłanišća swjateho Bena přeprošeni. Zajimcy njech so prošu hač do wutory, 30. nowembra, w redakciji Katolskeho Posola přizjewja, telefonowe číslo (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik kaž tež nahubnik sobu přinjese. Hygieniske předpisy kubłanskeho domu maja so dodržjeć. Za zetkanje płaci regula 3G. Štóz chce wotewzaty być, njech to prošu při přizjewjenju zdželi.

Młodostni na nyšpor z wobrazami wo družkach

Młodžinski nyšpor z wobrazami k temje „Družki“ fotografowki Kerstin Kacmar z Berlina budže njedźelu Chrysta Krala, 21. nowembra, w Chróšćicach. Započatk je w 14.00 hodź. w cyrkwi. Po tym poskića so na farskim dworje horce napoje.

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarstwa, člonow sekcijow a korporacijow na swoju hłownu zhromadźiznu srjedu, 1. decembra, do Smochćic. Započnjemy w 19.00 hodź. z Božej mšu w cyrkwi tamnišeho kubłanišća. Přizamknje so zhromadźizna. Do a po hłownej zhromadźiznje změja člonoj skladnosć, swój lětny přinošk we wysokosći pjeć eurow zapłaćić. Aktualne hygieniske postajenja maja so wobkedźbować. Móžno je, zo dyrbi so zhromadźizna pandemije dla krótkodobnje přesunyc. To budže pod www.posol.de wozjewjene.

Adwentnička

Lětuša adwentnička dekanatneje młodžiny budže njedźelu, 5. decembra, w Kulowje. Nyšpor w 14.00 hodź. wobrubu 1. serbska kulturna brigada. Wšo dalše so hišće wozjewi.

Kubłanske dny

W Schmiedebergskim Winfriedowym domje přewjedu so kubłanske dny za młodych dorosćenych wot 18. žiwjenskeho lěta klětu wot pjatka do njedźele, 7. do 9. januara. Dalše za wšitkich zajimcow wot 14. žiwjenskeho lěta wotměja so wot pjatka do njedźele, 23. do 25. septembra.

Taizéske zetkanje

Europske młodžinske zetkanje Taizéskeje zhromadnosće wotměje so wot pónđzele, 27. decembra, do njedźele, 2. januara, w Turinje. Zajimcy měli so hač do pónđzele, 15. nowembra, přizjewić. Link k tomu nańdu woni na stronje www.posol.de.

Adwentne popołdnjo w Drježdźanach

Drježdźanscy Serbja su na adwentne popołdnjo sobotu, 27. nowembra, přeprošeni. Zahaja je w 15.00 hodź. z pobožnosću, kotruž swjeći serbski superintendent Christoph Rummel z Hodźija. Zetkanje wotměje so we wosadnicy wosady swjateho Hubertusa na „Běłym Jelenju“, Am Hochwald 2. Smolerjec kniharnja poskičuje protyki, kalendry a najnowše wudaća zańdženeho lěta. Aktualne položenje pandemije ma so wobkedźbować.

Bosćanowa wustajeńca w Kamjencu dlěje přistupna

Wustajeńca wo česćowanju swjateho Bosćana w Chróšćanskej wosadze je hišće hač do njedzele, 30. januara 2022, w Kamjenskim sakralnym muzeju cyrkwe swjateje Hany přistupna. Boži dom je wot póndzele do pjatka stajnje wot 10 do 18 hodź. kaž tež sobotu a njedzelu wot 11 do 16 hodź. wotewrjeny.

Zběraja znowa pakćiki

Towarstwo swjateje Filomeny hromadzi tež lětsa zaso hodowne pakćiki za dźěći a swójby w maćerno-džěćacym domje w čěskim Dolním Podluží kaž tež w bołharskim měšće Razgradze. Wobsah pakćikow njeje předpisany, móžne su kakaw, slódcizny, hrajki, pi-sanske materialije a podobne. Pakćiki kaž tež počehnjena a najwšelakoriše hygieniske twory hromadza wot póndzele do štwórtka, 22. do 25. nowembra, wšednje wot 17 do 18 hodź. w Smjerdžečanskim kulturnym domje. Trjebanu drastu a črije pak lětsa njehromadza. Dalše informacije poda Gerat Róbl pod telefonowym čislom (01 72) 7 94 75 22.